

Cuent tche<sup>1</sup>'n chop tús<sup>2</sup> con thib<sup>1</sup> conej.

Chop tus mmodi's xa mod li na' par li na' gan thib apuest con thib conej. Ndxab ryop tús lo xta tús, Nda the'n na' chop ye<sup>1</sup>'r bix, thiba tre' no tediba axte' ba' da maner de que lu tyub tre'. Co'se' nye<sup>2</sup>'l co'se' ryo' conej carre' axte' tua', xaste' ryo'l le'n ye<sup>1</sup>'r. Xaste' tyubl delant. Le'na' li apuest con conej.

Ta<sup>1</sup> mod mbli<sup>1</sup> má<sup>1</sup>'. Ngua má<sup>1</sup>' thib<sup>2</sup> apuest neyne' cho' li gan. Ngro conej no ngro tús<sup>2</sup> ne junt carre'. Le' conej mque' carre' dipte' distans no le' tús<sup>2</sup> bē<sup>1</sup>'tē<sup>1</sup>' ngo le'n ye<sup>1</sup>'r. Co'se' mzin conej cō<sup>1</sup>'tē<sup>1</sup>' ngoc senyalar distans le' tedib tús<sup>2</sup> ya nduble' delant. Ndxab conej lo tús<sup>2</sup>, anze'f nazab nacl. Mblile'l gan lon. Xa<sup>1</sup> mōd<sup>1</sup> ndlya'l, ndxab tús<sup>2</sup>. Na nque' carre' mas le'que' thib<sup>2</sup> bāl<sup>1</sup>. Buena, ndxab conej. Nda na' tedib bes. Nda na' ndxab tús<sup>2</sup>. Mbere' má<sup>1</sup>'. Mque' má<sup>1</sup>' carre' tedib bes lomisque' mod. Conej mque' carre' le' tús<sup>2</sup> bē<sup>1</sup>'tē<sup>1</sup>' ngo le'n ye<sup>1</sup>'r. Co'se' mzin conej lugara, tús<sup>2</sup> ngro le' delant lomisque' mod par yon bes axte' que nguazan conej.

Ta<sup>1</sup> mod mbli<sup>1</sup> tús<sup>2</sup> gan lo conej, tac mbli conej pensar de que con thidte' tús<sup>2</sup> mbli conej apuest.

